

Na osnovu odredbi člana 17. i člana 20. Pravilnika o organizaciji i radu Rijasetu, člana 4. Pravilnika sa kriterijima za prijem učenika u prvi razred medresa i člana 1 Pravilnika o dopuni Pravilnika sa kriterijima za prijem učenika u prvi razred medresa, Rijaset Islamske zajednice u Bosni i Hercegovini raspisuje

K O N K U R S

za upis učenika u I (prvi) razred medresa Islamske zajednice u Bosni i Hercegovini u školskoj 2020/2021. godini

Kandidati za upis u medrese Islamske zajednice u Bosni i Hercegovini u školskoj 2020/2021. godini treba da ispunjavaju sljedeće uvjete:

- a) da nisu stariji od 18 godina,
- b) da su završili završni razred osnovne škole s primjernim vladanjem.

Prijava i upis učenika u prvi razred u školsku 2020/2021. godinu realizirat će se elektronski, putem službene web-stranice medrese u koju se učenik kandidira za upis.

Kandidati za upis u medrese neće polagati prijemni ispit.

Kandidati koji su hafizi, učenici generacije u osnovnoj školi ili koji su ostvarili odličan uspjeh iz svih nastavnih predmeta i primjerno vladanje u posljednja četiri razreda osnovne škole, uz priložene dokumente kojima potvrđuju svoj status, bit će bodovani s najvećim brojem bodova po svim kriterijima bodovanja i kao takvi odmah primljeni.

Uz aplikaciju na konkurs za upis učenika u prvi razred medrese svaki kandidat će na odgovarajući način elektronski priložiti sljedeće dokumente:

1. svjedodžbu o završenom IX, odnosno završnom razredu osnovne škole,
2. uvjerenje o uspjehu u tri razreda koji prethode završnom razredu osnovne škole,
3. izvod iz matične knjige rođenih,
4. uvjerenja, diplome i priznanja o osvojenim jednom od prvih tri mjestu na takmičenjima koja su zvanično organizirana na nivou kantona/regije, entiteta u BiH ili Bosne i Hercegovine i Islamske zajednice u Bosni i Hercegovini i to iz predmeta zastupljenih u nastavnom planu i programu medresa Islamske zajednice u BiH.

Rok za prijavu i upis kandidata je od 1. do 20. juna 2020. godine u jednoj od medresa (osim za kandidate za upis u Behram-begovu medresu (1-10.6) i kandidate koji su osnovnu školu završili u Kantonu Sarajevo, a koji će se upisivati putem online sistema upisa u skladu s rokovima i uslovima koje propisuje Ministarstvo za obrazovanje, nauku i mlade Kantona Sarajevo):

- Gazi Husrev-begova medresa u Sarajevu (medresa.ba),
- Behram-begova medresa u Tuzli (bbm.edu.ba),
- Elči Ibrahim-pašina medresa u Travniku (medresa.edu.ba),
- Karađoz-begova medresa u Mostaru (medresamostar.com),
- Medresa "Osman-ef. Redžović" u Velikom Čajnu/Visoko (medresa.org),
- Medresa "Reis Džemaludin-ef. Čaušević" u Cazinu (medresa-cazin.ba),
- Medresa „Gazi Isa-beg“ u Novom Pazaru (mesihat.org/medresa).

Medrese će objaviti rezultate upisa na svojim web-stranicama najkasnije tri dana nakon isteka roka za aplikaciju za prijem učenika, osim Gazi Husrev-begove medrese u Sarajevu, koja će rezultate objaviti nakon okončanja online upisa učenika iz Kantona Sarajevo.

Primljeni kandidati obavezni su preporučenom poštom ili lično dostaviti originalnu dokumentaciju u medrese najkasnije osam dana nakon objavljivanja rezultata prijema učenika.

Dodatne informacije u vezi s prijavom, prijemom i upisom učenika kandidati mogu dobiti na službenoj web-stranici medrese i putem službene e-mail adrese medrese za koju apliciraju.